

Nota pendidikan islam tingkat 1

1. AL-QURAN MENJANA KECEMERLANGAN HIDUP

Firman Allah s.w.t:-

الم (1) ذلك الكتاب لا ريب فيه هدى للمتقين (2) الذين يؤمنون بالغيب ويقيمون الصلاة ومما رزقناهم ينفقون (3) والذين يؤمنون بما أنزل إليك وما أنزل من قبلك وبالآخرة هم يوقنون (4) أولئك على هدى من ربهم وألئك هم المفلحون (5)

Pengertian Kalimat:

لا ريب	: Tidak ada sebarang syak
هدى	: Petunjuk
للمتقين	: Orang yang bertakwa
يؤمنون	; Orang yang beriman
يقيمون	; Mendirikan
ينفقون	: Membelanjakan
أنزل	: Yang diturunkan
قبلك	: Sebelum engkau
هم يوقنون	: Mereka yakin
أولئك	: Mereka
ربهم	: Tuhan mereka
المفلحون	: Orang yang berjaya

Maksud Al-Quran

Al-Quran ialah kitab suci yang terakhir diturunkan oleh Allah S.W.T. kepada Nabi Muhammad S.A.W. melalui Malaikat Jibri a.s. diturunkan dalam bahasa arab dan menjadi ibadat dengan membacanya.

Perbezaan antara al-Quran dengan kitab suci yang lain

Al-Quran	Kitab-kitab lain
Ditujukan kepada semua manusia	Ditujukan kepada umat tertentu sahaja
Kandungannya terjamin kekal	Kandungannya tidak terjamin daripada sebarang perubahan
Membacanya dikira sebagai ibadat	Membacanya tidak dikira sebagai ibadat

Tujuan / Sebab Al-quran diturunkan

- i- Sebagai pembimbing dan panduan kepada manusia.
- ii- Membetulkan akidah manusia yang menyeleweng.
- iii- Memandu manusia cara-cara membentuk peribadi masyarakat.
- iv- Memberitahu perkara-perkara yang hak dan yang batil.
- v- Memberitahu perkara-perkara ghaib.

Cara-cara beriman dengan Al-Quran

- i- Meyakini kebenaran kandungan al-Quran
- ii- Mengamalkan ajaran al-Quran dalam kehidupan
- iii- Menjadikan al-Quran sumber rujukan utama
- iv- Memahami maksud dari ayat-ayat al-Quran.

Maksud Taqwa

Taqwa ialah mengawal diri daripada melakukan perkara yang dimurkai Allah S.W.T. dengan mengerjakan perintah-Nya dan meninggalkan segala-Nya.

Ciri-ciri orang yang bertaqwa (berdasarkan ayat 1-5)

- i- Beriman dan beramal dengan ajaran al-Quran
- ii- Beramal dengan ajaran al-Quran
- iii- Beriman dengan perkara-perkara ghaib
- iv- Beriman dengan hari akhirat
- v- Mendirikan solat fardu lima waktu
- vi- Beriman dengan kitab-asal asal yang diturunkan kepada rasul-rasul terdahulu yang tidak diubah
- vii- Membelanjakan sebahagian harta pada jalan kebajikan

Maksud perkara ghaib

Perkara ghaib ialah perkara yang tidak dapat dilihat dan tidak mampu difikirkan oleh akal manusia tetapi wajib dipercayai adanya berdasarkan keterangan al-Quran dan Hadis Nabi S.A.W.

Antara contoh perkara ghaib:

- Syurga dan neraka
- Pahala dan dosa
- Malaikat
- Jin
- Mizan (timbangan amalan)
- Padang Mahsyar
- Titian sirat

Maksud hari akhirat

Hari akhirat ialah hari pembalasan terhadap segala perbuatan manusia semasa hidup di dunia.

Kitab-kitab suci yang diturunkan oleh Allah S.W.T. sebelum al-Quran

- i- Kitab Taurat diturunkan kepada Nabi Musa a.s.
- ii- Kitab Injil diturunkan kepada Nabi Isa a.s.
- iii- Kitab Zabur diturunkan kepada Nabi Daud a.s.

Kelebihan orang yang bertakwa

- i- Dikasihi dan diredhai oleh Allah S.W.T
- ii- Mendapat kejayaan hidup di dunia dan di akhirat
- iii- Menjadi orang yang berilmu dan beramal

- iv- Sentiasa redha serta tabah menghadapi ujian hidup
- v- Tidak mudah terpengaruh atau terpedaya dengan unsure-unsur negatif yang boleh melemahkan iman dan menghancurkan kehidupan

Usaha-usaha yang perlu dilakukan untuk menjadi orang yang bertaqwa

- i- Memperbanyakkan amalan-amalan sunat seperti membaca al-Quran berzikir, bersedekah
- ii- Sentiasa menunaikan solat pada waktunya
- iii- Berusaha menjauhi larangan Allah S.W.T.
- iv- Berusaha dan bekerja dengan ikhlas kerana Allah
- v- Berakhlak mulia

PENGAJARAN AYAT

Antara pengajaran ayat:

- i- Al-Quran menjadi petunjuk kepada umat manusia
- ii- Orang yang beriman sentiasa yakin dengan perkara ghaib dan hari akhirat sebagai hari pembalasan
- iii- Solat fardu wajib ditunaikan dengan sempurna dalam waktunya walau dalam apa keadaan sekalipun
- iv- Orang yang dikurniakan rezki atau harta kekayaan hendaklah membelanjakan ke jalan yang direndhai oleh Allah
- v- Orang yang bertaqwa dapat membangun bangsa dan Negara yang direndhai oleh Allah

2. MENCONTOHI KEPATUHAN MALAIKAT

Fiman Allah S.W.T. :-

وإذ قلنا للملائكة اسجدوا لآدم فسجدوا إلا إبليس أبى واستكبر وكان من الكافرين (34) وقلنا يآدم
 اسكن أنت وزوجك الجنة وكلا منها رغدا حيث شئتما ولا تقربا هذه الشجرة فتكونا من الظالمين)
 (35) فأزلهما الشيطان عنها فأخرجهما مما كانا فيه وقلنا اهبطوا بعضكم لبعض عدو ولكم في
 الأرض مستقر ومتع إلى حين (36) فتلقى آدم من ربه كلمات فتاب عليه إنه هو التواب الرحيم)
 27)

قلنا	: Kami berfirman
اسجدوا	: Tunduklah
أبى واستكبر	: Enggan dan takbur
اسكن	: Tinggallah
زوجك	: Isterimu
الجنة	: Syurga
رغدا	: Sepuas-puasnya
حيث شئتما	: Apa yang kamu berdua sukai
لا تقربا	: Janganlah kamu menghampiri

الشجرة	: Pokok
الظلمين	: Orang yan zalim
فأزلهما	: Menggelincirkan mereka berdua
فأخرجهما	: Mereka dikeluarkan
اهبطوا	: Turunlah kamu
عدوا	: Musuh
الأرض	: Bumi
مستقر	: Tempat kediaman
متع	: Kesenangan
فتلقى	: Menerima
التواب	: Penerima taubat
الرحيم	: Mengasihi

Bukti kepatuhan Malaikat kepada Allah S.W.T.

Malaikat sujud (memberi hormat) kepada Nabi Adam a,s apabila diperintah berbuat demikian oleh Allah S.wW.T.

Ayat di atas menerangkan bahawa Allah S.W.T. telah memuliakan Adam iaitu:

- i- Dibenarkan tinggal di dalam Syurga berwsama isterinya Hawa
- ii- Boleh menikmati apa sahaja makanan syurga

Antara cara syaitan memperdaya manusia

- i- Memperdaya manusia mensyirikkan Allah
- ii- Mengajak manusia supaya melanggar perintah Allah
- iii- Menggoda manusia supaya bermusuhan-musuhan
- iv- Menarik manusia ke lembah kehinaan dan kehancuran
- v- Mencampak ke dalam hati manusia perasan was-was dan ragu-ragu

Antara cara menghindari diri daripada tipu daya syaitan

- i- Mentaati perintah Allah
- ii- Menjauhi larangan Allah
- iii- Menunaikan solat dengan khusyuk
- iv- Menjaukan diri daripada perkar maksiat
- v- Sentiasa mentaati ibu bapa dan guru
- vi- Sentiasa membaca/menghafaz al-Quran
- vii- Bersifat dengan sifat-sifat mahmudah seperti jujur dan baik hati

Tindakan segera setelah seseorang melakukan dosa/kesalahan ialah bertaubat

Maksud taubat

Taubat ialah memohon keampunan kepada Allah S.W.T. dengan penuh keikhlasan dan menyesal terhadap kesalahan yang telah dilakukan.

Allah S.W.T. memerintahkan hamba-hambaNya segera bertaubat kerana:

- i- Supaya umat manusia tidak dibebani dengan dosa
- ii- Untuk mendapat pengampunan segera daripada Allah S.W.T
- iii- Supaya manusia sedar bahawa dosa itu perlu dijauhi.

Syarat-syarat taubat

- 1- Benar-benar menyesal dengan dosa atau kesalahan yang dilakukan
- 2- Berazam tidak akan mengulangi dosa yang telah dilakukan
- 3- Berhenti daripada melakukan dosa atau maksiat dengan segera
- 4- Hendaklah meminta maaf dan memulangkan hak jika melakukan kesalahan dengan manusia.

Hikmah taubat

- i- Mendapat keampunan dan petunjuk daripada Allah S.W.T.
- ii- Dihapuskan dosa-dosanya
- iii- Ditambah iman dan taqwa
- iv- Mendapat ketenangan jiwa
- v- Dikasihi dan dipelihara oleh Allah S.W.T.

Ciri-ciri orang yang taat perintah Allah S.W.T.

- i- Menjauhi perkara yang boleh merosakkan akidah
- ii- Mematuhi perintah Allah S.W.T.
- iii- Sentiasa bertaubat
- iv- Sentiasa memelihara maruah diri, keluarga masyarakat dan Negara
- v- Menambah ilmu pengetahuan
- vi- Membaca al-Quran, berzikir, beristighfar dan bertasbih

Pengajaran ayat

- i- Kita dikehendaki mencontohi kepatuhan malaikat
- ii- Iblis sentiasa berusaha memperdaya manusia supaya mengikut jejak langkahnya
- iii- Orang yang berjaya mengatasi tipu daya iblis akan selamat hidup di dunia dan di akhirat
- iv- Allah kasih kepada hamba-Nya yang bertaubat

3. BERBUDI DAN BERBAKTI CARA HIDUP MUKMIN

Firman Allah S.W.T. :-

وإذ أخذنا ميثاق بني إسرائيل لا تعبدون إلا الله وبالوالدين إحسنا وذي القربى واليتيمى
والمسكين وقولوا للناس حسنا وأقيموا الصلوة وءاتوا الزكوة ثم توليتهم إلا قليلا منكم
(وأنتم معرضون 84)

Pengertian kalimat

أخذنا	: Kami mengikat
ميثق	: Perjanjian setia
لا تعبدون	: Jangan kamu menyembah
الوالدين	: Kedua-dua ibu bapa
إحسنا	: Berbuat baik
ذى القربى	: Kaum kerabat
وقولوا للناس	: Katakanlah kepada sesama manusia
حسنا	: Yang baik
أقيموا	: Dirikanlah
وءاتوا	: Keluarkanlah
توليتم	: Kamu berpaling
قليلا	: Sedikit
معرضون	: orang yang tidak menhiraukan

Bani israil

Maksud Israil

Israil ialah gelaran kepada Nabi Yaakub a.s.

Maksud Bani Israil

Bani Israil ialah perkataan yang digunakan untuk keturunan Nabi Yaakub a.s. yang terkenal dengan bangsa Yahudi.

Kisah Bani Israil banyak disebut di dalam al-Quran kerana

Bani Israil mempunyai agama yang berdasarkan kitab Taurat yang diturunkan oleh Allah S.W.T. kepada Nabi Musa a.s.

Bani Israil berada dalam kekufuran kerana

- i- Mereka menolak petunjuk Allah yang terkandung di dalam al-Quran
- ii- Mereka tidak beriman kepada Nabi Muhammad S.A.W.

Ayat 83 surah al-Baqarah menjelaskan perintah-perintah Allah S.W.T kepada Bani Israil dan kepada umat Nabi Muhammad S.A.W:-

- i- Menyembah Allah yang Esa
- ii- Berbakti kepada ibu bapa
- iii- Berbuat baik kepada kaum kerabat
- iv- Membantu anak yatim
- v- Membantu orang miskin
- vi- Berkomunikasi sesama manusia dengan baik
- vii- Menunaikan solat
- viii- Mengeluarkan zakat

Islam mewajibkan kita berbakti kepada ibubapa kerana:-

- i- Jasa kedua-duanya amat besar kepada kita
- ii- Kedua-duanya memberi kasih sayang kepada kita
- iii- Kedua-duanya paling hamper kepada kita
- iv- Keredaan Allah terletak kepada keredaan ibubapa

Antara cara berbakti kepada ibubapa

- i- Mematuhi suruhan mereka selagi tidak berlawanan dengan agama
- ii- Bercakap dengan lemah lembut
- iii- Mendoakan kesejahteraan mereka di dunia dan di akhirat

Antara cara berbakti kepada kaum kerabat

- i- Membantu mereka
- ii- Menghormati mereka
- iii- Menziarahi mereka
- iv- Berkomunikasi dengan bahasa yang baik

Maksud anak yatim

Anak yatim ialah kanak yang kematian bapa atau kedua-dua ibubapa.

Maksud orang miskin

Orang miskin ialah orang yang mempunyai harta atau pekerjaan tetapi tidak mencukupi untuk menyara diri dan keluarga.

Umat Islam bertanggungjawab terhadap anak yatim dan orang miskin dengan cara:-

- i- Memberi pertolongan
- ii- Bergaul dengan baik
- iii- Menjaga perasaan mereka

Ayat di atas menjelaskan adab-adab berkomunikasi sesama umat islam

Antaranya:-

- 1- Melalui Percakapan
Menggunakan bahasa yang lembut kepada semua orang
Seperti: memberi salam.

- 2- Melalui Perbuatan
Melakukan perkara-perkara yang baik
Seperti: Menolong rakan, mencegah rakan daripada melakukan perkara buruk.

Fungsi Solat

- i- Menghubungkan seseorang dengan Allah S.W T.

- ii- Mencegah daripada melakukan perkara-perkara mungkar
- iii- Menyelesaikan masalah yang dihadapi oleh seseorang

Fungsi Zakat

- i- Merapatkan hubungan sesama manusia
- ii- Membantu umat islam yang kurang berkemampuan
- iii- Membantu ekonomi Negara

Pengajaran Ayat

- i- Hanya Allah S .W.T. sahaja yang berhak disembah dan ditaati
- ii- Setiap umat islam dituntut mnyayangi, menghormati dan berbakti kepada ibubapa
- iii- Setiap individu muslim bertanggungjawab menjaga hubungan persaudaraan
- iv- Allah S.W.T. memerintahkan umat islam mendirikan solat dan mengeluarkan zakat
- v- Anak yatim perlu diberi kasih sayang dan bantuan kebendaan
- vi- Solat membangun kecemerlangan individu